



наведи телефон

Лүимә сәрипос

08.07.2021
№ 13 (1247)

www.khanty-yasang.ru

Основана 11 февраля 1989 года

E-mail: gazeta@khanty-yasang.ru



Н. Меров вәрүм хури

Ты номерт ловиньтән:

Нэкет ос
нйврамыт
олныл мивет

▶ 3

Нэпак хаснэ хум
Саранпавылт олы

▶ 4-5

«Султум»

▶ 7-10

Намың-суиң
мәньци хум
номаве

▶ 12-13

Нйврамыт
музейн акваг
щалтапәлэгыт

▶ 14-15

Тав нэг
Сүкырьян
тотвес

▶ 16

Лүпта этпос 23 хөталэт Ханты-Мансийск үст өлнэ мир Владимир Александрович Квашнин ёт акван-хөнтхатыгласыт. Ты хум Саранпавылт олы, тав пүмыщ стихыт ос потрыт хансы. Тав олупсатэ өвылтыт хансым потыр 4-5 лопсыгт ловиньтән.

Тәрвитың агмыл урғалахтән

Ань коронавирус агмә янытыл бста тәрамлы. Ты сатыт округ кўщай нә Наталья Комарова хўлтнә ләтың хансыс. Ты нәпакәт тох хансым блы:

– кәсың хөтпа тәрпин уколыл вос вәрәве;

– округт рўпитан пўльницатт сәвнүв койка-место вос щёпитаве;

– хотьют ты тәрвитың агмыл олыс, тав ләккарытн ёмашакв вос уральтаве ос элаль вос пусмалтаве;

– ойттур этпос 10 хөталныл тәнә колыт (кафе) алпыл 6 щёсныл ос 23.00 щёс мус вос рўпитэгыт. Аэропортыт, вокзал-колытт хөтал палыт вос рўпитэгыт, ос тот тэңкве ат рөви, тәнүт ёт-виңкв эри;

– мэхум акв мāt сака ул вос атхатыглэгыт, интернет тот ул вос рўпиты;

– ялпың хөталытт, сәвсыр сапрәнитт, оlnә колытт, дачатт сәв мир акван ос ул вос атхатэгыт;

– яныг ұсыт (Урай, Пыть-Ях, Ханты-Мансийск, Сургут, Нягань, Нижневартовск, Лангепас, Нефтеюганск, Югорск) ос Кондинский, Нефтеюганский, Нижневартовский районныт янас колыт вос щёпитавет. Тот пусмалтахтам хөтпат ос хотьют агмың мэхум ёт потыртас, тув вәнтлуптаңкв эри. Тән тот мощ вос оlnэгыт.

– нъяврамыт ханищтан хөтпат, сәвсыр колытт (колледжит, университетт) ханищтахтын агит-пыгыт пуссын янас уральтаңкв патавет.

Округ мирколныл тётым ляххал мәнщи ләтңыл
В. ХОЗУМОВА
хансыстә

Кўщай нә Нефтеюганск ұс мир ёт потыртас

Ойттур этпос 3 хөталәт Наталья Комарова, округ кўщай нә, Нефтеюганск ұст оlnә мэхум ёт ищхыпың ут хосыт потыртас.



Ищхыпың мāt вим хури

Наталья Комарова ләвыс:

– *Лўпта этпос сыс Нефтеюганск ұст оlnә сәв хөтпат ищхыпың ут хосыт пищма анузн кәтсыт. Ёст мәшинат яласан ләңхыт лўльсаң вәрәвет, мэхум оlnә коланыл пөхат нъяврамыт ёнғын утыт ёмасыг ат щёпитавет, ұсхулыт лўльсаң хот-сыстамтавет ос сәв мөт вәрмалит урыл тән хассыт. Ты вәрмалит урыл мән ань пуссын аквьёт сапрәнит тах потыртәв.*

Нефтеюганск ұс миркол кўщай хум Сергей Дегтярёв маныр рўпата тән ань вәрәгыт, та урыл китыглавес.

Тав ләвыс, «Ханищтап» нампа проект щырыл Нефтеюганск ұст акв школа ұнттуңкв овылтавес. Ос акв школа

ёмашакв ань щёпитаве, йильпи ханищтан тәлныл тот агмың-мосың нъяврамыт ханищтахтуңкв тах патэгыт.

«Экология» нампа проект щырыл ұст ляпат оlnә мә ань хот-сыстамтавет. Нефтеюганск ұс ляпат яныг порс аня блы. Сәв тәл ұсныл порсыт тув тотавет. Ань мирколт рўпитан хөтпат проектнәпак хассыт, ты порс аня мә ёлы-пәлн хилуңкв оln хөнтсыт. Ты рўпата тән 2022-2024 тәл сыстах вәрияныл.

Кол ұнттын вәрмаль урыл Сергей Дегтярёв ос потыртас. 2021 тәл сыс ұст 79 пәс кол хотлөсталавет, тот оlnә 425 щёмья йильпи колытн тах вәнтлэгыт.

Нефтеюганск ұст оlnә мэхум сәвсыр тәрвитың

вәрмаль урыл сапрәнит потыртасыт.

Акв хөтпа ләвыс, тән оlnә коланыл пөхат сәв тәл сыс нъяврамыт ургалан кол ұнттаве. Ань мэхум тот нәматыр ат вәрәгыт, ат рўпитэгыт, тымәгсыл нъяврамыт тот хайтыгтэгыт ос ёнгасэгыт.

Нефтеюганск ұс кўщай ләвыс, тән садик ұнттын организацият сәв щёс пищма хансыгласыт, кол ұнттын мән ёмашакв вос ургалыяныл ос пөх хөтпат тув ул вос тәртыяныл. Элальтавләвыс, ты кол пөхат хайтыгтан нъяврамыт ке кәсалэгыт, полициян тәра вос свонитэгыт.

Нефтеюганск ұст оlnә мэхум ос миркол кўщай вәрум рўпататә урыл округ кўщай нән ос потыртасыт. Мөлтү тәлт ұст нъяврамыт мәгсыл йильпи ёнғын мāt вәрвёсыт, тот тән ёнгуңкв, поргуңкв, хайтыгтаңкв, велосипедыл яласаңкв ос сәв мөт щырыл ұщлахтуңкв ань вәрмәгыт.

Тамле ұщлахтын мә «Формирование комфортной городской среды» нампа программа хосыт вәрвес. Ты тәла мәгсыл ұс мирколныл 18 млн солкөвил тәстыглавес.

Сапрәнит мэхум Нефтеюганск ляпат оlnә сәв порс анят хот-сыстамтан урыл, ұст хайтыгтан кўтывыт, йильпи кол ұнттын тәлат ос сәв мөт вәрмалит урыл округ кўщай нән потыртасыт.

Округ мирколныл кётым ляххал мәнщи ләтңыл
Людмила ТЕТКИНА
хансыстә

Нэквет ос нъяврамыт олныл мивет

Ты этпос бвыл хөталэт Пенсионный фонд колт кўщаиг блнэ нэ Татьяна Зайцева ляххал тотнэ махум акван-атыгласанэ. Тав потыртас, ты этпосныл хоты нэквет ос нъяврамыт олн-нётмилыл миңкв патавет.

Тўяг яныгпөлэ этпост Россия Президент Владимир Путин мирн латың тетыс, тонт тав потыртас – мән элалы хумус блуңкв патэв, яныг кўщаит маныр рўпата вәруңкв тах патэгыт, нъяврамыт ос нэквет хумус нётавет.

Ань мирн олн ойтнэ пора та ёхтыс. Ты этпос бвыл хөталныл йильпи олн-нётмилыл тәрвительныш блнэ нэквет ос ащ манос щань тәл яныгман нъяврамыт миңкв тах патавет.

Ос кәсың щәмья ат нётаве, хотьют нуса тотым блы ос мощца олн сәлы, туп тән нётуңкв тах патавет.

Нэквет урыл

Ань нэквет нъяврам бнышуңкв сака ат кәсащегыт. Тананылн хотмус нётнэ магыс тамле йильпи вәрмалы тах вәраве – тән тәрвительныш те блэгыт ос лёккарыт палт уральтахтуңкв сартын те ёхтысыт, тән кәсың этпос нъявраманыл самын патнэ мус **8 сөтыра 750 солкөвил** миңкв патавет.

Ос сәлнэ олнаныл пуссын акван тах ловиньтавет, бйкатэ манах олн сәлы, нэкве такви манах олн сәлы. Ос ты олныт акван хунь ловиньтавет, тән «прожиточный минимум» олнытыл мощцанувег вос блэгыт.

Ань мән округувт акв хөтпа магыс тысәвит олн хансым блы – 17 сөтыра 544 солкөви. Нъяврамыт

магыс - 16 сөтыра 306 солкөви.

Нэг-хумыг ты олнытыл мощщанув солкөви кәтн те выгыг, туп тонт тәрвительныш блнэ нэкве кәсың этпос ты олныл миве.

Нъяврамыт бс тах нётавет

Татьяна Зайцева ань ләвыс, мән округувт **9 сөтыра хөтпа** тәнттеныл нъявраманыл янмалтыяныл, руш ләтныл тән ләвавет – «одинокий родитель». Тән кәсың этпос **8 сөтыра 153 солкөвил** мивет.

Нъяврам намнэпакет әще наме хансым ат те блы, тонт нэкве тох те ләваве. Ос хотты нэ нъявраме намнэпакет матыр нам те хансыс, тав нётуңкв ат патаве.

Ос мак тамле вәрмалы тәра-паттаве, нэ манах олн

НАЗНАЧЕНИЕ И РЕАЛИЗАЦИЯ СОЦИАЛЬНЫХ ВЫПЛАТ ЕЖЕМЕСЯЧНЫЕ И ЕДИНОВРЕМЕННЫЕ ВЫПЛАТЫ В 2021 ГОДУ			
01.07.2021	ЕЖЕМЕСЯЧНАЯ	пособия женщине, вставшей на учет в медицинскую организацию в ранние сроки беременности	8 750 РУБ.
01.07.2021	ЕЖЕМЕСЯЧНАЯ	на ребенка от 8 до 17 лет	8 153 РУБ.
01.08.2021	ЕДИНОВРЕМЕННАЯ	школьникам	10 000 РУБ.

сәлы. Тав мощца олн те выг, тонт тав нётаве. Мощ сәвнув те выг, тав тах ты пособие-олныл ат миве.

Школан ялантан нъяврамыт урыл

Бөртур этпос бвыл хөталныл школан ялантан нъяврамыт бста 10 сөтыра солкөвил миңкв патавет. Ань манах тәл яныт нъяврамыт нётавет, кўщай нэ ат ләвыс.

Мощ ётылнув Россия Президент Владимир Путин хултнэ латың тах хансы, тонт тах тәра-паты – хоты нъяврамыт ты олн-нётмилыл тах мивет.

Ты олныт туп акв

щес мивет. Ома-әтят нъявраманыл школан миннэ элы-палт маснуд ос мөт эрнэ пормас вос ёвтэгыт. Тән олнаныл бс тах ёмащакв ловиньтавет, мощца олн те сәлэгыт – нётавет. Мощ сәвнув олн те выгыт, нётуңкв ат патавет.

Ты кўщай нэ ләвыс, ты олн винэ магыс заявление-нэпак хансум кәсың хөтпа сәлнэ олнә налоговый инспекция тәра уральтыяныл. Тот осн-паттаве, хөтпа манах олн сәлы, тавен олн миңкв эри ман әти.

Т. Зайцева ләвме щирыл, ты нётмил туп «Мир» нампа олның карточкан тән тётуңкв патыяныл. Хөтпа тамле карта ат те бныши, тав вос молях банкын ялы ос тамле карта вос вәри. Ат те вәри, ты олнә тах нас кәтын миңкв патавет.

Пенсия-олн винэ махум урыл кўщай нэ ләвыс, тән элалы те рўпитэгыт, пенсия-олнаныл бс мощ нөх-нётавет. Кәсың хөтпа пенсиятэ янас щирыл ловиньтаве – тав тәл сис манасәвит солкөви тув ойтыс, руш ләтныл тән ләвавет – «пенсионный балл», та щирыл пенсиятэ мощ нөх та нётаве.

Валентина ХОЗУМОВА



Нэпак хаснэ хум Саранпавылт Өлы

Лүпта Этпос ват нупыл хурмит хөталт Ханты-Мансийск үс нэпак ловиньтан колн Владимир Александрович Квашинн вөвиньтәлвес. Тав писателиг Өлы, мө-вит, вөрүит урыл стихыт ос потрыт нэпакн хансы.

Ты хум Өлупсатэ урыл потыртас ос такви стиханэ мөхумн тот ловиньтасанэ. **Владимир Александрович Хальүс район Саранпавылт 1958 тәлт самын патыс.** Школат лов класс әстламе юи-пәлт элы мән минуңкве сака кәсашас. Ос номтэ щирыл Воронеж үсн та минас. Тот мощ Өлыс, тувыл армиян лүсытаңкве тотвес.

Хулыт ос вөрүит үргалас

Тувыл Саранпавылн ювле өхтыс, Өвлэт Сосьвинский геологоразведочный экспедицият кәрныл щанквыт вәрим (токариг) рүпитас. Ётыл тав Тобольск үс рыбопромышленный техникум әстлас. Ос Саранпавыл ляпат овнэ я хулыт үргалым рүпитаңкве Өвылтахтас.

Хум ты урыл лөвыс:

– Сартын Саквья,
Сүкырья, Ятрия, Мөнья

ос мөт ят хосыт сөв мөнь пөвлыт үнлысыт. Тот сөвыңпәлэ мөньщи мөхум Өлсыт, ам тәнаныл пуссын өмщакв вөсанум. Тән йис мөнанылт нот палытыл хул алыщлым Өлсыт.

Ам тот рүпитаңкве ат тахсум, мөхум сорх, сүкыр ос мөт яңк хул пувнөныл порат, тәнаныл штрафыл пинуңкве эрыс. Ам сосса мөхум сака эруптыяну, тыи мөгыс тәкыщ ат лүкамтасанум. Тамле вөрмаль әнумн ат мустыс. Тот хул үргалым нөлолов тәл рүпитасум, пөхын та минасум.

Владимир Александрович Тюменский университетт охотовед-биологыг ханищтахтас. Пыг аятәтн мөньтәгыл вөрн тотыг лавес. Тот Өлнэ мө-витэ сака эруптастэ. Вөрүит сөвыг хулытуптан мөгыс сыме сака щәргыс.

Хулыт үргалам юи-пәлт тав Саранпавылт охотоведыг рүпитаңкве патхатыглас. Вөрүит



Нэпак ловиньтан колт

үргалым ос матахмат тәл рүпитас. Аквматнакт тамле вөрмаль өмтыс, пуссын предприятият акван-түлуңкве патвөсыт, тав сокращение щирыл пөхын та паттувес.

Такви Өлн сөлыс

Владимир Александрович хунь рүпата тәл хулытыс, пенсият иң ат Өлыс. Щөмьятэ мөгыс хотмус Өлн сөлуңкве эрыс. Ос хум пилорама өвтыс. Та порат пөвылт сөв хөтпат рүпаттәл өмтыс.

Матахмат хөтпа такви пәлтэ рүпитаңкв висанэ. Тән колыт үнттын хөтпат мөгыс пәртыт сылсыт, ис-

насыт, әвит тәстысыт ос мөт эрнэ рүпата вөрсыт. Тыщир Өлн ты сөлыс. Тот мощ рүпитас ос пөвыл мирколн вөввес, пөнщин ос солярка тыналан күщайг рүпитаңкве паттувес. Хум тот ань тыг мус рүпиты.

Мөнь порат Өлум вөрмаль

Потыртаммөн халт, Владимир мөниг Өлме поратэ номылматыгластэ ос әнумн акв потыр потыртас. Төнт тав хөт тәлэ төвлыс. Тэлы порат аят-тэнтыл Мөнья хосыт вөр-колн лувыңсуныл хусах-кем вөрыста минасөйг. Тот Артөм-Щөман мөньщи хум Өлыс. Тав яныг хөн-



«Торум Маа» музейт



Хансум нэпаканэ

тын Өс тотыглавес, тот нйлын сакватӓлвес. Яныг-пӓла хӓтпа такви пӓвлӓт вӓбраим ос хӓл алыщлым акваг яласас.

Владимир Александрович лӓвыс:

– Этипӓлаг лӓҗхыт минымамӓнт, ам сунт хуясум, нумын ханнӓ совыт нупыл суссум. Аквматӓрт амкиротумт стихыт ловиньтаҗкве та ӓвылтахтасум. Лӓтҗыт тӓнки номтыт тӓлуҗкве патсыт.

Вӓрколн ӓхтысамӓн, тот пӓрлахтын кастыл мӓхум пасан вӓрсыт. Артӓм-Щӓман колт мӓхум пуссын юртыҗыш ӓнлахӓлӓгыт, халанылт потрамӓгыт, матыр-ӓти та вӓрӓгыт. Ам кур пӓхын лӓльсум, лӓҗхыт номтумн ӓхтум стих ловиньтаҗкве та тӓлт-хатсум.

Яныгмам мӓтем, юрт хӓтпат, хӓл алыщлан, вӓ-раян тӓлат урыл стихум

атахкем кум ловиньтас-лум. Ос та порат иҗ мӓниг ӓлсум, потранум ос стиханум нӓпакн ат хассанум. Ётыл ущ мощщал-мощщал акван-атуҗкве патсанум.

Потрыт ос стихыт хаснӓтӓ урыл

1996 тӓлт Саранпӓвылт пылыщманҗ нак ӓмтыс. Тав юртӓ Александр Марчук колтаҗлыл ӓтимыг ӓмтсыт. Тӓн коланыл нӓин ӓсвес. Маныр тӓла щирыл коланыл нӓх-пӓламлас, ань тыг мус нӓматыр ат вӓве.

Ты нак ӓмтум паттат Владимир Александрович сыме сака тӓрвительҗыг ӓмтыс. Тӓнт хум таквинӓ-тӓн лӓвыс: «Мӓн ӓлалӓ ӓлнӓ наканув хунь нӓҗкӓгыт, хотты порат пуссын холӓв. Амки юи-пӓлумт матыр лӓтыҗ хульгуптаҗкве ӓри».

Щар мӓк та пӓсныл



стихыт ос потрыт нӓпакн хансуҗкве та ӓвылтахтас. Ӗвыл нӓпаке «Калӓные ветра» намтыстӓ. 2000 тӓлт ты рӓпататӓ мӓгыс янытлан нӓпакыл мӓйлуптавес. Ты вӓрмалӓ мӓгыс хум татем хотщӓгыт.

Тувыл ӓлалӓ номтыт ӓщнӓ стиханӓ ос потранӓ акваг нӓпакн хансуҗкве патсанӓ. Тав намыҗ-суиҗ Н. Рубцов, А. Кольцов ос нӓпак хаснӓ мӓт хӓтпат хансум потраныл сӓв ловиньтас. Лӓщал-лӓщал ты вӓрмалӓ ӓмщакв ханищтастӓ. Ань такви ӓмас ос пӓмаш потрыт, стихыт хансы.

2014 тӓлт «Север – страна без границ» нампа мирхал касыл ӓлыс. Владимир Александрович тув кӓтыглам потре мӓгыс ӓвыл мӓстал майвес.

Тӓнт тав Санкт-Петербург ӓс «Арктики и Антарктики» нампа яныг музейн вӓвиньтӓлвес, тот янытлавес. Та порат хум потранӓ ос стиханӓ сӓв мӓт хассанӓ. Тыимӓгыс мӓт нӓпак хаснӓ хӓтпатн вӓҗкве патвес.

Тав потранӓ урыл ӓрыҗ нӓмхотыют ат вӓнув, матӓмас 2012 тӓлт Саранпӓвылт интернет вӓрвес. Владимир Александрович тӓра такви стиханӓ «Изба-читальня» ос «Стихи.ру» литера-

турный лӓпсыгн кӓтуҗкве патсанӓ.

Тот пуссын акваӓт налыманкем ӓрганӓ ос стиханӓ, потранӓ хансым ӓлӓгыт. Ты хосыт мӓхумн вӓҗкве та патвес. Ань та лӓпсыгт ущты нӓпак хансуҗкве ӓвылтахтын хӓтпатн нӓты, тӓн потраныл ос стиханыл ӓрнӓ щирыл хансыянӓ.

Оматӓ Елена Семёновна Квашнина Саранпӓвылт школат ӓвыл классыт нӓврамыт налыман нупыл хӓт тӓл ханищтасанӓ. Ӓтӓтӓ Александр Нестерович Квашнин ос та школат нӓврамыт ӓт кӓтыл сӓвсыр пормасыт вӓрыс. Ӓкваг-ӓйкаг пӓвлыҗ мӓхумн сака янытлавесыг.

Владимир Александрович ӓкватӓ ань Саранпӓвыл садикыт нӓврамыт ӓргалым рӓпиты. Нӓгхумыг кит нӓврам янмалтасыг.

Яныг ӓгитӓн ДЮЦ «Поиск» организацият нӓврамыт ханищтым рӓпиты. Мӓнь ӓгитӓн ос ты тӓл школат аквахуйплов класс ӓстлас. Ань ӓлалӓ ханищтахтуҗкве минытах. Тамле ты ӓмас колтаҗыл Саранпӓвылт ӓлы.



В.А. Квашнин

Николай МЕРОВ

Олнанын уральтым ӧньщӧн

Касың элумхӧлас сэлум олнанэ ань банковский картат ӧньщиянэ. Тот олнанэ тұлмантаңке вѣрмавет. Мӧн округут ӧлнэ мӧхум хумус ўрккуптавет, олнаныл хумус тұлмантавет, та урыл полицият рупитан кўщай хум Алексей Бородин ляххал тотнэ мӧхумн потыртас.

Тав лӧвыс, юи-ӧвыл тӧлыт сака сӧв мӧхум тох олн тӧл хулытӧгыт, лўпта этпос сыс яныг ўст ӧлнэ хӧтпа лов млн солкӧви ос мӧт элумхӧлас нѣлолов млн солкӧви тӧл хулытсӧг.

Ань Сургут, Нижневартовск, Ханты-Мансийск, Нягань, Мегион ос Сургутский районт янгыш тот ӧлнэ мир ўрккуптавет, тӧн пӧххӧтпантӧнки олнаныл вӧтихал кѣтыяныл. Тамле

лӧль вӧрмалы Покачи ўст ос Ханты-Мансийский, Октябрьский ос Хӧльӧс районитт мощчанув ӧлыгы.

А. Бородин лӧвыс, ань мӧхум свонитавет ос лӧвавет, тӧн картат ӧлнэ олнаныл ты тұлмантавет, тох ул вос ъмты, тӧнанылн «пин-код» лӧвуңке эри. Хӧтпа хот-рохты ос «пин-код» лӧвитэ, тох олн тӧл та хулыты.

Мӧхум ань лӧвавет, эрттум банкыт рупитан хӧтпа элумхӧласн свониты ос лӧвитэ, олнанэ тұлмантаңке вѣрмавет, тох ул вос ъмты, банкын олн кѣтуңке ос ты коньпал кредит-олн виңке эри. Мӧн округут вӧтихал яныгпӧла хӧтпат пенсияныл лӧль мӧхумн кѣтыяныл ос кредит-олн выгыт.

Ань сӧв хӧтпат ищхӧпың ут хосыт маснут, тӧнут ос мӧт пормас ъвтӧгыт. Ос пормасаныл мӧгсыл тӧра ӧйтхатӧгыт, тувыл олн ос ъвтум пормасаныл тӧл та хулытӧгыт. Тох ӧгит ос пыгыт ўрккуптавет.

Ань ос мӧт щирыл мӧхум ўрккуптаңке пат-

вѣсыт, элумхӧлас мӧт мӧн минуңке щѣпитахты ос ищхӧпың утыт «Бла-БлаКар» нампа лӧпсыт мӧшина хонты. Ос сӧртын ӧйтхатуңке тав лӧваве. Олн туп ӧйты, картат ӧлнэ олнанэ тӧра та тұлмантавет.

А. Бородин лӧвыс:

– *Минуңке ке щѣпитахтасын, ты ищхӧпың ут хосыт олн ул ӧйтӧн. Кӧтн олн маӧн, тӧнт эрнэ мӧн ъхтӧгыт ос олн тӧл ат хулытӧгын.*

Кўщай хум лӧвыс, элумхӧлас тох ке ўрккуптавет ос олнанэ ке тұлмантавѣсыт, полициян тӧра вос ъхты.

Людмила ТЕТКИНА

Мӧхум мӧгыс сӧвсыр нѣтмил вӧраве

Округут рупата тӧл ӧлнэ хӧтпат мӧгыс «Ханты-Мансийский центр труда и занятости населения» нампа кол рупиты. Тӧн мӧхумн рупата кинсуңке нѣтӧгыт. Мӧн газетавн кѣтум, потыраныл элалы ливиньтӧлбӧн.

Ханищтахтын мӧныл ӧстлам мӧнлат хӧтпат шар ӧвлӧт тӧнки мӧгсыланыл эрнэ ос ъмас рупата хӧнтуңке номсӧгыт. Ты вӧрмалы щирыл округут «Центр труда и занятости населения» кол рупиты. Тот рупата тӧл ӧлнэ хӧтпат нѣтавет.

Та колт рупитан хӧтпат мӧт сӧвсыр тӧла ӧс вӧрѣгыт. Ань школа ӧстлам нӧврамыт манхурип специальность щирыл училищат манос университетт элалы ханищтахтуңке кӧсашӧгыт, тӧн хулытыяныл.

Тот студентит ос яныгпӧла хӧтпат ӧс нѣтавет. Тувыл нӧврам ът юн ўн-

лын нӧквет нѣтмил винэ мӧгыс тув ъхтуңке вѣрмѣгыт. Тот ты мӧхум матыр профессия хосыт элалы ханищтахтуңке нѣтавет.

Тув ъхтын хӧтпат тӧра лӧвавет, ӧвлӧт тӧн китыглаңке патавет-тӧн хоты профессия щирыл рупитаңке вѣрмѣгыт, ты тӧла ъмщакв тӧра-паттаве.

Рупата тӧл ӧлнэ хӧтпат акваг тот нѣтавет. Хӧтпа рупата хӧнтуңке ат вѣрми ке, тав мӧт профессия щирыл ханищтахтын мӧгыс хотталы кѣтуңке вѣрмаве. Тот мӧхумн нилахуйплов тӧланыл тӧвлын юи-пӧлт нѣтмил вӧраве.

Ищхӧпың ут хосыт www.job.admhmao.ru лӧпсын нѣтмил вӧвнэ мӧгыс хансуңке рӧви. Тот «личный кабинет» вӧруңке эри. Тувыл Госуслуга хосыт «гражданам» лӧпс пунсӧн, элалы «услуги в электронном виде» нампа мӧт тот «профессиональная ориентация» лӧпс хонтӧн. Тот нӧпакт нӧнки урынтыл потыр хансӧн ос «Ханты-Мансийский центр занятости населения» нампа лӧпсын кѣтӧн. Њтыл нӧнанн ювле хулытнэ лӧтың тах ъхты.

Рупитан мӧн кѣтнэ нӧпакыт эрнэ щирыл хансуңке ты колт нѣтавѣн. Тот рупата минэ кўщай ът потыртаңке ханищтавѣн. Тувыл хоты мӧт рупата кинсуңке, тот хулытавѣн тах.

Ты кол адресэ тамле:

Ханты-Мансийск ўс, Карла Маркса ўсхулы, 12 колэ, 1 этаж, 1 колнак. Тув ъхтынӧн порат, тамле нӧпакыт ът-ӧньщӧн:

- нӧнки намнӧпакын (паспорт);

- ханищтахтын мӧныл ӧстлам диплом-нӧпакын;

- ӧгмың-мосың хӧтпатн ът пусмалтахтын нӧпак ӧньщуңке эри.

Матыр китыглахтын мӧгыс «Ханты-Мансийск ўс центр занятости населения» колн ты телефон хосыт свонитӧн: 8(3467) 32-21-88 ос ты юи-пӧлт 115 нѣтумтӧн. Тӧн электронный почтаныл: hm4_czn@admhmao.ru

Ты потыр **Ирма Вольдемаровна Шрайнер** кѣтыстэ, мӧнщи лӧтың **Николай МЕРОВ** хансыстэ

Султум

Искорка



С.М. Адин Рита ағитэ ёт

Мён няслуңкве ялантымён

Ты тәл яныгпөлэ этпос 25 хөталэт ам атям Сергей Михайлович Адин 60 тәлэ төвлыс. Тав Хулюмсүнт пәвылт самын патыс, тот яныгмас.

Омаге-әтяге лов няврам янмалтасбг. Щёмьят атям китыт няврамыг олыс. Эщанэ ос апщиянэ ань Хулюмсүнт пәвылт, Ханты-Мансийскос Сургут үсыгт олэгыт.

Атям Няхщамвөл пәвыл школат ханищтахтас, мот мәнщи няврамыт ёт интернатт олыс. Школа аслас, Омск үсн экскаваторщикыг ханищтахтуңкве ялыс. Ты юи-пәлт Хулюмсүнт пәвылт «Сосьвинский ЛПУ МГ» нампа организация рупитаңкве вуйвес. Тот

пенсиян минаме мус 34 тәл рупитас.

Та порат тав сәвсыр яныг машинал рупитас, мот махум ёт газ миннэ турпат пиныс. Ос турпат пёсыг хунь ёмтсыт, мотаныг пентсанэ. Ань ты газопровод хосыт Россия ос мот хон ман газ мины.

2016 тәлт атям пенсиян минас, ань вораим ос хул алыщлым яласы. Ты элы-пәлт аква рупитас, ворт яласаңкве щар ат алымас. Ань ам тав ётэ няслуңкве ялантэгум. Атям ёмашакв вәгтэ, Хулюмсүнт пәвыл пөхыт хөт сәв хул пувуңкве рөви, тымәгсыл тав ётэ няслуңкве ану́н сака мусты.

Рита АДИНА

С папой рыбачить всегда интересно

Мой папа Адин Сергей Михайлович в этом году отметил юбилей, 25 апреля ему исполнилось 60 лет.

Родился он в Хулимсунте в большой, многодетной семье. В семье был вторым ребёнком.

Учился в школе-интернате в Няксимволе. После того как в городе Омске получил специальность экскаваторщика, устроился на работу в Сосьвинское ЛПУ и МГ «Газпром».

Он отработал в этой организации 34 года. Папа трудился на экскаваторе и на другой большой тяжёлой технике.

Работая в этой органи-



С.М. Адин

зации, занимался укладкой труб для газопровода, а также ремонтом магистралей.

Сейчас по этому газопроводу газ поступает в разные регионы России, а также в Европу.

С 2016 года папа на пенсии, теперь он занят любимой делом - рыбалкой и охотой.

Когда он работал, на это занятие у него почти не было времени. Я тоже люблю рыбачить, поэтому мы вместе ездим на рыбалку.

Он знает все рыбные места рядом с Хулюмсунтом, и рыбачить с ним всегда интересно.



Рита А.

Рита АДИНА



А́тям пёс йис накыт ва́ганэ



Ам а́тям Алексей Владимирович Алгадьев яныг ма́ньщи щё́мьят яныгмас, х́т увщи ос э́щ халт тав акв пыг.

А́тям 1972 талт ма́нь-поль этпос 31 х́талэ́т Ня́хщамво́ль па́вылт самы́н патыс. Та па́вылт ху́рум класс мус ханищ-тахтас, тот увщия́нэ э́т интернатт о́лыс.

Тав потыртáлас, то́нт ома́тэ ос а́тятэ туп у́щ-лахтын порат ва́щи́нь-тасаныл, тэ́лы та́н лувы́н суныл ос туи мото́р-ха́пыл юв тотыгла́вёсыт. Щащё́квам ос опам то́нт Ме́ңквя́ па́вылт о́лсыг.

Ме́ңквя́ – Алгадьевы́т та́н па́вланыл. Та́н мис ос

лув о́щсыт, а́тям увщия́нэ ос э́щанэ э́ттуи пум ва́рун-кве акваг тотыгла́вёсыт.

О́пам Влади́мир Васи́льевич Алгадьев пёс йис ва́рмалит ва́нэ х́т-паг о́лыс. Са́ңквилта́ңкве ха́сыс. Уй йиквнэ порат са́ңквилта́ңкве во́выгла-вес. Щащё́квам Варвара Васи́льева мо́йтыт, пёс потрыт, э́ргыт са́в ва́с.

А́тям шко́ла Ху́люмсу́нт па́вылт а́стлас, тувыл Ня́хщамво́ль промхо́зт во́раян хумыг ру́пита́ңкве патхатас. Тав а́тятэ э́т ху́л алыщлы́м, во́раим яласас. Ань пыге, ам а́пшигри-щум Дима, аквта щирыл во́раңкве ханищтытэ.

Промхо́з ру́пататэ э́л-по́билта́вас, тав Ху́люмс-су́нт па́вылт ру́пита́ңкве патыс. Ань са́в та́л «Сосьвинский ЛПУ МГ» на́мпа организа́цият на́й харыгтан х́тпаг ру́питы.

Ам омам Оксанэ Алексе́евна Алгадьева, такви о́парищ наме Хозумова. Ло́пмус – тав яныгмам па́влэ. Ма́н ва́тихал тув ялантáлэв. Ам кит э́щ Каролина ос Снежана о́ньщё́гум ос акв а́пщи, тав наме Дима.

Диана Алгадьева



А.В. Алгадьев

Моего папу зовут Алексей Владимирович Алгадьев. Он вырос в большой многодетной семье. У моего папы есть 6 сестер, он – единственный сын в семье.

Он родился 31 марта 1972 года в селе Няксимволь, там же учился до третьего класса и вместе со своими старшими сестрами жил в местном интернате.

Папа рассказывал, что в то время родителей они видели только на каникулах. Зимой приезжали за ними на лошадях, а весной на моторной лодке и забирали их домой.

В те годы они жили в Менквье. В этой деревне тогда жили все Алгадьевы. Так же как и все, бабушка и дедушка держали коров, лошадей.

У нас в семейном архиве хранятся фотографии, где они всей семьей косят сено. В 1980 году они переехали в деревню Хулимсунт.

Мой дедушка – Владимир Васильевич Алгадьев хорошо играл на мансийском инструменте санквилтапе, знал и был исполнителем священных наигрышей на Медвежьих игрищах.

Бабушка Варвара Васильевна знала много сказок, легенд и преданий.

Школу мой папа окончил в Хулимсунте.

Султум ✨

Искорка

Мой папа знает мансийские традиции



Работал штатным охотником в Няксимвольском промхозе.

С самого детства дедушка брал его на охоту и рыбалку и научил всему, что знал сам. Теперь все полученные знания папа передает нашему брату Диме.

Он часто берёт его с собой. Мой папа с детства мечтал помогать людям, попавшим в беду, и на данный момент он работает в Сосьвинском ЛПУ МГ пожарным.

Сейчас у моего папы есть прекрасная жена, наша мама, которую зовут Оксана Алексе́евна Алгадьева (Хозумова), и замечательные дети – Диана(я), Дима, Каролина и Снежана.

Диана Алгадьева



Султум

Искорка



П.П. Алгадьева апыгрищанэ ос агитэ ёт

Анёквам 90 тәлэ тәвлыс

Анёквам Пелагея Павловна Алгадьева Хулюмсүнт пәвылт 6лы. Ты тәл яныгпөль этпос 25 хәталәт 90 тәлэ тәвлыс.

Тав Хәңласы пәвылт самын патыс. Ты пәвылт Хулюмсүнт лятат пәс порат 6лыс. Колхозыт вәрим порат тән щәмьяң тәгыл Хулюмсүнт пәвылт вәнтласыт.

Тонт Няхщамвөль рыпкоопт рупитаңкве 6вылтахтас. Мөт нәквет ёт пум вәрыс, пил вәтыс, вөр сәгрыс, мис посыс. Пенсиян миннэ 6лы-пәлт пәкарнят нянь вәрим рупитас. Ойкатэнтыл Михаил Никитич ёт лов няврам янмалтасыг.

Кәркамыг рупитаме ос сәв няврам янмалтаме маҗсыл Пелагея Павловна маҗлын тагатан «Медаль материнства» нампа пөсыл майвес. 1978 тәлт анёквам «Мать-героиня» намыл ос маҗлын тагатан «Мать-героиня» пөсыл майвес. Аквта порат СССР Верховный Совет президиум палныл ос янытлан грамота-нәпакыл кәтвес.

Анёквам мащтырлаңкве сака хәсы, тав маңыщи супыт ос мөт маснутыт ёмашакве юнтыс. Ань самаге ат нәңкәг, юнхатуңкве ат вөрми.

Хулюмсүнт пәвылт музей вәрим порат анёквам пәс маңыщи пормасыт тув 6с тотсанэ. Сәсныл вәрим хусапыт, сакныл сагим турлөпсыт ос мөт маңыщи маснутыт тув мүйлуптасанэ.

Анёквам кәркамыг рупитас, сәв няврам янмалтас, 6рнэ вәрмаљ округув маҗсыл тотыс. Ам таве 6руплылум ос намхөталыл янытлылум.

Ксения Кутляева



Н.К. Маслова Ксения Кутляева ос Рита Адина ёт

Моей бабушке исполнилось 90 лет



Моя бабушка Пелагея Павловна Алгадьева в этом году отметила юбилей, 25 апреля ей исполнилось 90 лет. Бабушка родилась в деревне Ханласы Березовского района Тюменской области.

После школы переехала в деревню Хулимсунт, где начала трудовую деятельность в Няксимвольском рыбокоопе.

Занималась заготовкой кормов для скота, сбором и сдачей дикоросов, работала дояркой, пекарем. Общий трудовой стаж составляет 20 лет. Пелагея Павловна вместе с мужем, Алгадьевым Михаилом Никитичем, вырастили и достойно воспитали 10 детей: 5 сыновей и 5 дочерей. За многодетность и добросовестность в воспитании детей, а также для обеспечения общественного признания и высокого уважения к женщине – матери, Пелагея Павловна была награждена «Медалью материнства» I и II степени. В 1978 году была удостоена высшей степени отличия, установленной в СССР: как матери, родившей и воспитавшей 10 детей, была



П.П. Алгадьева

награждена орденом, Грамотой Президиума Верховного Совета СССР, ей было присвоено звание «Мать – героиня».

Она приняла участие в создании поселкового музея традиционной культуры коренных малочисленных народов, подарила мастерски выполненные предметы быта из бересты, украшения из бисера, национальную мансийскую одежду.

Моя бабушка Пелагея Павловна своим честным, добросовестным трудом, достойным воспитанием детей, знанием традиционной культуры, желанием делиться опытом внесла значительный вклад в социально-экономическое развитие коренных малочисленных народов Севера Ханты-Мансийского автономного округа - Югры.

Ксения Кутляева



Анёквaм няврамыт ханищтас

Наталья Константиновна Тасманова Няшамвобль павыл школат няврамыт маныщи латнын сав тал ханищтасанэ.

Өвлэт анёквaм нэпак ловиньтан колт, тувыл воспитателиг рүпитас ос 1993 талныл няврамыт щань латныл ханищтасанэ.

Тав маныщи латын ос пёс йис вэрмалит урыл сав ваг. Школат ханищтахтын няврамытн савсыр докладыт хансуңкве нётыс. Агит-пыгыт, танки олнэ павланыл, щаняныл-ащаныл урыл потрыт хассыт.

Школат ханищтам нявраманэ савсыр касылыт бвыл мёста вуйласыт. Ам ань потрыт хансэгум, хумус пёс йис порат маныщит понал лүптал савсыр маснут ос мот пормасыт сагсыт. Ты вэрмалит урыл маныр ваг, анумн бс потыртас.

Анёквaм ханищтам нявраманэ ос такви потранэ «Лүймә сэрипос» нампа газетан кётыглы. Акв порат тавён мот хот маныл пицца ёхтыс, ос Владимир Высоцкий хансум стиханэ маныщи латнын толмашлаңкве лаввес. Ань ты стих

«Высоцкий на языках мира» нампа нэпакт хансым олы.

Анёквaм Ясунтыт олнэ «Мань Ускве» ушлахтын мән няврамытн маныщи латын ханищтаңкве вбвыглавес. Тав савсыр фестивалын, ялпын хоталн, ханищтапн ватихал яланталы.

2020 тал тав пенсиян минас, ань ватихал мән палтув Хулюмсунт павылн ёхталалы.

Ам щанюм Анастасия Николаевна Рядькина Хулюмсунт павылт школат няврамыт ханищтан нэг рүпиты. Ам ань номсахтэгум, школа астанэм юи-палт бс анёквaм ос щанюм хольт учителиг ханищтахтуңкве минэгум. Ос тэн хольтэн агирищит, пыгрищит ханищтаңкве патыанум.

Лүпта этпос 25 хоталэт анёквaм самын патум хоталэ блыс, 60 талэ төвлыс. Ам таве намхоталыл янытлылум, пус кат, пус ләгыл элалы сав тал вос блы.

Таисия Рядькина



Н.К. Тасманова агияге ос апыгрищанэ ёт

Моя бабушка Наталья Константиновна Тасманова много лет проработала в школе села Няксимволь.



Н.К. Тасманова

Сначала она была библиотекарем и воспитателем группы продлённого дня. С 1993 года вела уроки мансийского языка в начальных и старших классах.

Я горжусь своей бабушкой, потому что она хорошо знает мансийскую культуру и может рассказать много интересного и полезного.

Когда она работала в школе, то помогала своим ученикам писать доклады на мансийском языке о нашем северном крае, о родном селе, о своей семье.

Её ученики часто становились призёрами в разных творческих конкурсах на родных языках.

Бабушка и мне помогает писать доклады, сейчас я исследую тему, как раньше манси делали из крапивы верёвки, рыболовные сети и другие предметы, так нужные в хозяйстве. Она рассказывает мне то, что когда-то слышала от своих родителей.

Султум

Искорка

Бабушка работала учителем

А однажды ей позволили из-за границы и попросили перевести стихотворение Владимира Высоцкого на мансийский язык. Потом перевод напечатали в сборнике «Высоцкий на языках мира».

Так как бабушка хорошо знает родной язык и много лет проработала учителем, её приглашали в деревню Ясунт на летние смены этностойбища «Мань Ускве». Там она учила детей мансийского языка в начальных и старших классах.

В августе 2020 года она ушла на пенсию и теперь часто бывает в Хулимсунте, и я всегда с нетерпением жду её приезда.

Моя мама Анастасия Николаевна Рядькина тоже работает в школе педагогом, она – детский психолог. Я учусь в школе Хулимсунта и, может быть, тоже выберу профессию педагога и, как моя мама и бабушка, в будущем, буду работать в школе.

25 июня у неё был юбилей, ей исполнилось 60 лет. Я хочу её поздравить с этим праздником и пожелать ей много счастья, хорошего настроения и здоровья.

Таисия Рядькина

«Султум» лөпсытт хансым потрыт Людмила ТЕТКИНА маныщи латныл хассанэ

Хансум потранылы ловиньтасанылы

Лүпта Этпос 21 хөталэт «II Шесталовские чтения» нампа конференция «Тәгт мәхум» соссә общинат ос «Югра лылыёп» нампа организацият рүпитан хөтпат Ханты-Мансийск үст вәрыгласыт.

Юван Шесталов хансум потрыт, стихыт урыл ос соссә мирыт пёс йис вәр-малаянылы, щань ләтнанылы Элаль хумус тотуңкве эри, та урыл наука, ханищ-тап, культура ос сәв мөт вәрмалит щирыл рүпитан мәхум тот потырта-сыт ос тәнки докладанылы ловиньтасыт.

Ань коронавирус агм тәрамламе мәгсыл акв мәт сәв элумхбласытн акван-атхатуңкве ат рөви, тыимәгсыл конференциян эхталам мәхум ләкквә-уртвёсыт. Тән Творчество колт, «Торум Маа» музейт ос Ас-угорский институтт рүпитасыт ос тәнки халанылыт ищ-хыпың ут хосыт потыртасыт.

Эстониянылы, Венгриянылы, Франциянылы ос Россия төва мәнылы хөтпат эхталаңкве Ханты-

Мансийск үсн ат вөрмысыт. Тәнки хансум потранылы ос ищхыпың ут хосыт ловиньтасанылы.

Өвлэт «Югра лылыёп» нампа организацият рүпитан кўшай нә Людмила Алферова ләтың ләвыс:

– Пёс йис пора тәгылыт мәньщи ос ханты мәхум өлэгыт. Тән тәнки өлнә мәнанылы эруптэгыт, янытлэгыт. Ты мирыт халт сәв кәркам, номтың ос сымың хөтпат өлэгыт. Мария Кузьминична Волдина, Еремей Данилович Айпин, Андрей Семёнович Тарханов, Юрий Кылевич Вэлла сәв ёмас потрыт, стихыт щань ос руц ләтңыл хассыт.

Юван Шесталов – мирн вәнә хөтпаг өлыс. Тав стиханә, потранә сәвсыр ләтңын толмашлавёсыт. Ань тав хансум нәпаканә мәхумн ловиньтавет,



Е.В. Чепкасов ос В.Б. Орлов

мәньщи пёс йис вәрмалит урыл вәгыт ос тән өлупсанылы өвылтыт пүмшалах-тэгыт».

Мария Кузьминична Волдина мәньщи өйка эт сәв тәл вәйхатас. Юван Шесталов эт Хальүст акв-накт хумус хөнтхатыглас, та урыл конференцият потыртас.

Общественный ос внешний связь департамент кўшай вәңын нә Ирина Григорьевна Арканова округвт соссә мирыт пёс йис вәрмалаянылы Элаль хумус тотавет, та урыл ләтың ләвыс.

Округвт «Эринтур» нампа нәпак тәратаве. Мән мәвт өлнә хөтпат хансум потранылы, стиханылы тув вәравет. Нәпак хаснә мәхум округ кўшай нә пәлнылы касыл щирыл премиялы мивет. Ос 2013 тәлнылы мәньщи, ханты ос ёрн хөтпат Юван Шесталов нампа олн-нётмилылы миңкв патвёсыт.

Няврамыт мәгсыл мәньщи ос ханты ләтңыл «Витсам» ос «Хатлые» журналыг тәратавөг. Ос сәв мөт эрнә вармалы нупыл округ миркол пәлнылы олн тәстыглаве.

Светлана Динисламова Юван Шесталова урыл өс потыртас ос такви хансум стихе «Юван өйка» тот ловиньтастә. Тав ләвыс, мөтыт тәл мәньщи өйка 85 тәлэ төвлынув, ты кастыл тән хўрмит конференция 2022 тәлт вәруңкве номсэгыт.

Ты юи-пәлт мөт мәхум тәнки докладанылы ос ловиньтасанылы. Тән хансум потранылы «Шесталовские чтения» нампа нәпакн ань вәрвёсыт.



М.Т. Двинянинова ос С.С. Динисламова



Г.Н. Ларионова

Людмила ТЕТКИНА

Намың-суиң мәньщи хум номаве

«II Шесталовские чтения» намба мирхал научно-практический конференция блме порат Ас-угорский институтт нэпак хаснэ хөтпат ос учёный мәхум ёнта пасан вәрыгласыт. Тот сосса мир ләтңыт элаль тотнэ вәрмалы урыл потыртасыт.

Ас-угорский институтт кўщаиг **Виктория Сподина** рўпиты. Овлэт тав янытлан ләтың ләвыс:

– Юван Шесталов – мәньщи хум, тав мирн ём-щакв вайвес. Нән, нэпак хаснэ мәхум, ул пуссын тав ётэ вәщиньтахтыгләсын ос потрамәлсын. Хум Ханты-Мансийск үс пөхыт вөркол бньщис. Вәтихал тув ялантас. Төва потранэ та вөрколэт хассанэ, тав палтэ сәв мәхум тув ёх-таләлыс. Потранэ ос стиханэ эрыг хольт элаль тотсанэ, таве хунтлуңкве сака пумащ блыс.

Тав юи-пәлэт **Светлана Динисламова** кит сборник-нэпакыг урыл потыртас. Акватэ «Шесталовские чтения» намаим блы. Тот сәв научный потыр хасвес. Китыт нэпак «Моё

тихое счастье» намаим блы, ты мәнь нэпаке такви хансыстэ.

Евра пәвыл хум

Тав ләвме щирыл, мәньщи литература 1930 тәлытныл элаль тотуңкве бвылтавес. Төнт шар бвыл нэпак акв мәньщи хум **Пантелеймон Чейметов** хансыс. Потранэ ёлы-пәлт наме «Пантелей Еврин» хансыгләлыстэ. Хум Хөнтаң мәт Евра пәвылт яныгмас. Омаге-әтыге хул алыщлам ос вбраям хөтпаг блсыг.

Тав Хәльүс партийный школа әстлас ос элаль Ленинград үс Лүймә мир институтт ханищтахтас. Хөнтаң районт пәс йис мәт кисхатым яласас. Хөнтум пормасанэ Кунс-камера музейт бньщавет. Максим Горький хансыглам кит потраге мәньщи ләтңыг толмаш-ласаге. 1940 тәлт тав «Кит вбраян хумыг» намба



С.С. Динисламова

нэпаке мәньщи ләтңыл Ленинград үст тәратавес. Тувыл 1941 тәлт хөнтлын мән тотвес. Хум 1947 тәлт хотталы шалтыс.

Нәлсәт арыгкем нэпак хансыс

Юван Николаевич Шесталов ос Хәльүс район Камратка пәвылт 1937 тәлт лүпта этпос вәт нупыл китыт хөталэт самын патыс. Та порат мән округув Остяко-Вогульский национальный округ ләввес. Әтытэ пәвылт колхоз кўщаиг рўпитәлыс. Опатэ ос нйят хөтпаг блыс.

Юван Николаевич сосса мир пәс йис блупса ос блнэ-хүлнэ накыт пуссын ёмщакв вәсанэ. Сәв пәс потрыт, мөйтыт, амщит,

стихыт ос эргыт нэпакн хансуңкве патсанэ. Ты элы-пәлт шар нэмхотыют тув ат новхатас.

Хум 1958 тәлт «Мәкем ат» мәньщи ләтңыл бвыл нэпаке нәглыс. Тувыл акв тәл ювле хультыс, Юван ос руш ләтңыл потыр хансыс. Төнт тав ханищтахтас, нәлоловхуйплов тәлэ төвлыс, иң нэмхотыютн ат вайвес. Мәньщи ләтңыл хансум стихе Ленинград үст блум поэтытн ловиньтавес. Тән таве сака янытласаныл.

Тувыл 1961 тәлт тав «Миснэ» намба стих хансыс. Ётылнув 1964 тәлт «Синий ветер каслания» нэпаке тәратавес. Ты нэпаке мөт хөн ләтңытын толмашлавес. Та юи-пәлт «Когда начало меня солнце» бс акв потыр хансыс.

Тот такви блупсатэ урыл хансыс. Аквматнакт әтытэ купса ойка ёт картал ёнгыс, нөх-патуңкве ат вөрмыс. Тыимәгыс купса ойка нйврам ёт-вистэ. Пыг такви палтэт рўпITYтм бньщистэ. Ты әти, әтытэ ётыл колхоз кўщаиг ёмтыс. Тамле блупсатэ та блыс.

Ётыл 1971 тәлт Юван «Языческая поэма»



А.Н. Семёнов



Йильпи нэпакыт



нэпак хансыс. Ты нэпакёт савсыр порат хансыглам стиханэ акван-атсанэ. Хум тыммагыс государственный премиял РСФСР майвес.

Потрыт нас хунтлуңке рөви

Лүпта этпос ват нупыл китыт хоталт «Торум Маа» музейт Юван Шесталов намхоталэ кастыл «Аудиокнига» маныщи латңыл тастувес. Тав хансум това стиханэ ань ищхипың ут хосыт хунтлуңке рөви. Олме палытыл пуссын аквёт нелсат арыгкем нэпак хансыс ос таратас.

Ты проект Майя Макарова воруңке

номылматас. Тав НКО «Центр продвижения языков и культур обско-угорских народов» нампа организацият кўцаиг рупиты.

Ты вормаль элаль тотнэ магыс округ культура департаментыт рупитан махум нётмил варсыт, тан олн мисыт. Овыл нэпак «Мўтра ййв» таратавес. Ань ос «Миснэ», «Макем ат», «Ма-вит эрыг», «Этпос» ос мот потрыт маныщи латңыл таратавёсыт.

Ань ты нэпак ловиньтан колт «ЛитРес» интернет лопсыт ос хонтуңке рөви. Ты потрыт касың хотпа хунтлуңке вёрмиянэ. Телефон палт ос оныщуңке рөви. Тыгыл

элаль аквагтамле нэпакыт хансуңке патавет.

Ты потрыт пуссын Денис Вынгилев ищхипың ут хосыт ёмщакв щёпитасанэ. Тав овыл таратан нэпак ловиньтым порат саңквылтап тан тув нётумтас, тыщир хунтлуңке ёмас. Ты рупата урыл «Торум Маа» музейколт Николай Чебоненко махумн потыртас. Ань овыл нэпак «Торум Маа» музей кўцайн Людмила Алфёрован мўйлуптавес.

Махум мўйлысыт

Та юи-палт мўй махум вөр мән «Торум Маа» музейн тотыглавёсыт. Тот памятник пөхыт Юван Николаевич кастувес.

Тув Альбина Николаевна Мехнина эще ос Людмила Александровна Алфёрова ёхталасыг.

Саранпавылныл Галина Николаевна Ларионова, Хулюмсунт павылныл Марина Тихоновна Двинянинова ос нэпак хаснэ мот хотпат олсыт.

Потрыт юи-палт мўй махум сып пуңкын нөх-хэхсыт, тот тан магысланыл концерт щёпиталвес. Махум ёрнокл пөхат саңквылтапыл саңквылтасыт, эргыт эргысыт ос ййквыт ййквсыт.

Этипалаг пасан вэрыг-лавес, мўй хотпат атың хул исмитыт тыттувёсыт. Тот касың хотпа щэгтым олыс.

Юван Николаевич 2011 талт яныг таквс этпос атыт хоталт атымыг ёмтыс. Тонт тав 74 талэ олыс. Тав Ханты-Мансийск ус пөхат вөрың матэт ёлщёпитавес. Конференция олум порат махум тув ос ялсыт.

Мән, маныщи махум, ты намың-суиң хотпа акваг номуңке патылув. Хум потранэ ос стиханэ ловиньтаңке сака пўмаш, тав маныщи мир магыс сав вэрыс, олнэхулнэ накув элаль тотыс. Тав хосытэныл мән сав элы мот хон мат вэңке патвесўв.



А.Н. Мехнина



Восыңтүр нэквет

Николай МЕРОВ

Няврамыт музейн акваг щалтапәлэгыт



С.В. Фатеева

Ань ул кәсың школат музей колнак олы. Ханты-Мансийский район Кышик пәвилт музейт Светлана Васильевна Фатеева рүпиты. Тав такви рүпататэ урыл мощ потыртас.

Тав ты пәвилт самын патыс, тот яныгмас. Хаництахтуңкв әстламе юи-пәлт тав интерна- тат воспитателиг олыс. Тувыл тав школа музейн рүпитаңкв вөввес, тот юи-өвил тәлытт рүпиты.

Светлана Васильевна ләвыс, пәвилт өлум нә Елена Николаевна Спасенникова ты музей вәруңкв номылматас. Төнт тав школат нявра- мыт ханты ләтңын ха- ництасанэ. Уроканэ

пүмшиг вос блэгыт, тав акваматнакт няврамытн ләвыс, тән урокытн пәс пормасыт вос тотэгыт. Тох ләшал-ләшал пормасыт та сәвмысыт.

Янас колнакыл май- вәсыт, ос тот музей та вәрвес, күщаиг Софья Андреевна Лазарева тот рүпитас. Ты ханты нә ос сака сәв пәс йис пормас атыс. Тав ёре хосыт пәв- ланылт мөт музей өс вәрвес.

Пәвил кант вөрщახыл олы, тот ханты мәхум вөрколанылт ос сүмья- ханылт үнттувесыг, әращ вәрвес ос мөт-мөт пор- масыт атвәсыт. Та музей рүпитаме сыс тув яныг- пәла ханты хөтпат акваг ялантасыт, тән мәгсыла- нылт тот сәвсыр ялпың хөталыт вәрыглавәсыт.

Пәвилн ёхталан мүй хөтпат тув өс тотыгла- вәсыт, тән мәгсыланылт матыр тәннут тот пәйт- вес – хүл исмитыл, луп- таң щәил айтвәсыт. Ань юи-өвил ат тәлтөм вөр- щახылт өлнэ музей ат рүпиты, нәмхотють тув ат яланты. Нас хотють кәсаши, такви тув нас щалтсы.

Школат өлнэ музейт ань сәв пәс пормасыт өнщавөт. Нә титыглас- лүв, хоты пормас щар мäk пәсыг олы? Тав ювле ләвыс, тән пәс пальсак

өнщөгыт, тав ты щар пәсыг олы, тавө музейн Молданова Мария то- тыстэ.

Ос няврамыт ёнгал- тан мәгыс тот сака сәв ёнгил олы. Школат ха- ництахтын няврамыт ураконылт халт тув акваг ёхталэгыт, мощ ёнгөгыт, тувыл ювле уроканылт та хәйтэгыт.

Суссылтап өвилыт

Ты тәлт музейанылт акв пүмыщ суссылтап щөпитәлсыт. 55 тәл ювле хультум порат пә- вланылт рүпитама гос- промхоз урыл сәвсыр пәс нәпакыт, сыресыр пормасыт ос хурит тот акван-атсанылт.

1960-ыт тәлытт мән округут тамле кол сәв лусвес. Тув пәвлың ма- хум пил тотсыт, вөрүй- сов мисыт. Ты хосыт тән олн мощ сәлсыт.

Ханты-Мансийский районт госпромхоз өс вәрвес, тув ляпат үнлын пәвлыт хасвәсыт. Кышикт ос ПОХ (рущ ләтңыл тав тох ләввес – промысло- охотничье хозяйство) лусвес.

Тот рущ хум Виктор Георгиевич Подпругин вөраян хөтпаг рүпитас. 1966 тәлт тав Ханты- Мансийск үсн вөввес, ләввес – «Ханты-



Пөхлапыл юнтым пәс пальсак



Сүмьях

Мансийский госпромхоз» кўшаиг вос ӧлы. Тот кўшаиг ӧлум хум Ф.И. Усенко сака сӧв олн вис ос госуларстван яныг ӧрнта вӧрыс.

Йильпи кўщай

Хум кӧсащас, та пӧс-ныл мӧнь пӧвлың мӧтт ӧлнӧ мир ӧмашакв ӧлуңк та патсыт. Тӧн рўпатал майвӧсыт, ӧлнӧ колыл ӧнттувӧсыт. Нӧквет, хумыт пуссын тот рўпитасыт.

Тӧнт Кышик пӧвылт пӧрма ӧнттувес, тот лӧ-пакыт ос сӧмыл охсарыт янмалтаңкв патвӧсыт, сӧв мис ӧщвес. Тўяг пуссын хўл пувсыт, щapak солвалтасыт ос тӧслысыт. Тўв порат нӧквет пил вӧтсыт, лӧхыс атсыт, пӧквсам вӧрсыт.

Хум хӧтпат ос пум вӧрсыт. Тӧлы порат хумыт вӧраясыт, сӧлы ӧрим яласасыт. Нӧквет ос сувенир-ный цех-колт мащтырлым ӧнсахатасыт.

Ты кўщай хум рўпи-таңкв ӧвылтахтаме пӧс-



Камка

ныл мӧнь пӧвлытт сӧв йильпи ӧлнӧ кол, пӧвыл миркол, нӧврамыт кол ӧнттувес. Тӧва хум хӧтпат йивныл сӧвсыр пормас ӧргуңкв ханищтавӧсыт.

Госпромхоз Кышик пӧвылт рўпитеме порат пӧвлың хӧтпат тӧкыщ ӧщвӧсыт. Кўщаяныл кӧсың хӧтпа такви ураль-тастӧ, нӧмхотьют ул вос савлахты, рўпатаныл ӧмашакв вос вӧрияныл, ха-



В.Г. Подпругин хуритӧ

ланылт кассыт. Пӧвля-нылт кӧсың тӧл акв-акв хӧтпа нӧх-патыглас, тав мӧталил манос грамота-нӧпакыл янытлавес.

1970-1980 тӧлытт нӧквет ӧнтум сувенирыт пуссын мӧт мӧн тынала-вӧсыт, ты хосыт титсӧт-хўрумсӧт сӧтыра солкӧви госпромхоз сӧлыс.

1984 тӧлт Кышик пӧрмат рўпитан нӧквет янытлавӧсыт – Л.Г.

Айтукова, В.Д. Косарева, В.И. Тарлина, В.Я. Фищук. Пил вӧтум мӧхум халт ос ты хӧтпат нӧх-патсыт – А.Л. Венго (800 тила), Е.А. Хоров (845 тила), Д.Н. Артямов (705 тила). Тӧн Ханты-Мансийский районт мӧк сӧв пил ты вӧтсыт.

Ань ты хӧтал мус пӧвылт ӧлнӧ мир Виктор Георгиевич кўщаяныл ӧмас лӧтңыл номыл-матыглӧлыяныл. Тамле ӧмас кўщай хӧтпа ань ӧтим. 1980-ыт тӧлытт гос-промхоз «Ханты-Мансийский» Россия янытыл щар мӧк ӧмас рўпитан колыг лӧввес, сӧв хӧтпа янытлавес.

2004 тӧлт Ханты-Мансийский район Троица пӧвылт ӧлнӧ школа тав намӧтыл пин-вес. Ты тӧл хум 85 тӧлӧ тӧвлынув. Тав яныг нам-хӧталӧ кастыл Кышик пӧвылт ты суссылтап ты вӧрвес.

**Валентина
ВАСИЛЬЕВА**



С.В. Фатеева



Пӧс тӧранак

Лүймә сәрипос

(Северная заря)
№13 (1247), 08.07.2021
Соучредители
Дума, Правительство
Ханты-Мансийского
автономного округа – Югры
Издатель
Департамент общественных
и внешних связей Ханты-
Мансийского автономного
округа – Югры

Редакция

Врио директора, гл. редактор –
Кондина Г.Р.
Телефон (3467) 33-36-82

Заместитель гл. редактора –
Кондина Г.Р.
Телефон (3467) 33-36-82

Ответственный секретарь –
Узель В.В.
Телефон (3467) 33-23-09

Адрес редакции и издателя:
628011, г. Ханты-Мансийск,
ул. Комсомольская, 31
тел./факс (3467) 33-17-52

E-mail: gazeta@khanty-yasang.ru
Газета размещена на сайте
www.khanty-yasang.ru

Отпечатано:
ООО «Новости Югры-
Производство» г. Сургут,
ул. Маяковского, д. 14.

Индексы **04399, 54399**

Тираж **1710** экз.
Заказ **2684**

Цена свободная

Мнение авторов
публикаций не
обязательно отражает
точку зрения редакции.

Газета зарегистрирована
Управлением Федеральной

службы по надзору
в сфере связи,
информационных
технологий и массовых
коммуникаций
по Тюменской области,
ХМАО-Югре и ЯНАО.

Свидетельство
о регистрации
ПИ №ТУ 72-00795
от 23 января 2013 г.

Тав нэг Сүкырьян тотвес

Сайнахова Татьяна Алексеевна, тав такви бпарищ наме Неттина, Сүкырьят Өлыс. Ань ты нэ Өлупсатэ урыл мән рүпитан колувн Тэк павылт Өлнэ ханты Эква Зоя Абрамовна Новьюхова пицма тетыс. Тав потре ань Элалы ловиньтэлбн.



Т.А. Сайнахова



А. Вьюткин Хуригэ

Сүкырья павыл

Татьяна Алексеевна – ты ам щазэквам тав увшитэ Өлыс. Тән Хосомкурт нампа павылт Өлсыт, ты павыл Тэк ляпат унлыс. Аще-Алексей Николаевич Неттин, тэн Экватэнтыл хөт ныврам Өшсыг – нила аги ос тит пыг.

Өлум павланылт лувит ос мисыт Өшсыт. Салыяныл ляпа рүтанылн Нёрыт ляпат урвёсыт, Сыня я ватат. Нила поснэ мисаныл юв хунь ёхтэгыт, агит касыңаныл такви мисэ посытэ. Оманыл та сыс матыр мөт колсори рүпата вэрыс. Пум аквёет сэгрысыт, тасавит пум тананылн та эрыс. Тамле кәркам колтагылт аги ты яныгмас.

**Хул магыс миннэ
мәхум урыл**

Пёс порат Саквьяныл

сав мәнщи хөтпа хул пувуңкв Асн ялсыт. Я хосыт Ас нупыл миннэныл порат пэг акваг хоигласыт, тән коланылт эт хулсыт. Төнт мәхум пуссын юртыңыш Өлсыт, халанылт хотмус потыртасыт – акваг ханты мәхум, мөтаныт ос мәнщи хөтпат.

Ювле ос тәглың хәпыл товсыт. Аквмат порат тән ётаныл Григорий, Сүкырья пыг, Өлыс, Татьяна кәсаламтэ, татем та щәгтыс. Халэнт вайхатасыг ос потыртахтасыг, аги тав ётэ тах ои.

Мәхум Асн хул пувуңкв та минасыт. Таквсы ювле миннэныл порат, Өстаты павылн ёхтысыт. Эти Григорий ос Татьяна мәнщәпн тәлсыг ос та оясыг.

Алпыл Татьяна аще ос каңке кәсаламыг, агитэн юн атим. Юил хәпыл та минмыгтасыг, хөнтсагән. Аги ювле та тотвес. Григорий лаввес, аги нэг тотуңкв те таңхи, таве хайталаңкве тэлы вос ёхтэгыт.

Тэлыиг та ёмтыс, аквматнакт салың суның мәхум ты ёхтысыт. Яңк салы йырыг түщтысаныл, сав мүйлупса, маснут ёт-тотсыт – мольщәңыт, сахи, вәит, нйрат. Татьяна Сүкырьян та тотвес. Тәл минас, аще Сүкырьян мүйлуңкв Өс ялыс. Ёмащакв тот мүйлыс.

**Сав ныврамың
колтагыл Өлыс**

Ты колтагылт аквхуйплов ныврам самын патсыт. Нэг-хумыг салыңколт акваг яласасыг, сәт ныврамагән атимыг ёмтыс. Туп нила нывраманэн хулытсыт – Николай, Елена, Марфа ос Степан.

Григорий Павлович ащаныл 1938 тәлт Ханты-Мансийск уст наскәсыг порслувес. Нэпакт тох хансым Өлы:

– Сайнахов Григорий Павлович, Сүкырьят 1892 тәлт самын патыс. Салы урнэ хум. 1937 тәлт вәт сәграпнал Этпос 5

хөталэт пуввес. Омский УНКВД сутытавес. Ханты-Мансийск уст 1938 тәлт тәл котиль Этпос 21 хөталэт наскәсыг порслувес.

Тох нэкве ойкатэ тәл та хулытыс. Тактёт нывраманэ янмалтасанэ. Яныг пыге Николай хөнтлын мән тотвес, ювле аты ёхтыс, тот хөт патыс.

Мәнщә пыге Степан ёт Татьяна Алексеевна 1961 тәлт Тэк павылн ёхталас. Ляпа рүтанэ ёт хөнтхатыглас. Төнт тав такви ханты ләтңётыл лёлъсаң потыртас, халанылт мәнщи ләтңыл потыртасыт.

Та юи-пәлт ос Тэк павылныл ляпа рүтанэ Сүкырьян ялсыт – тит увщияге агиягән ёт. Татьяна Алексеевна 1972 тәлт атимыг ёмтыс, тав 81 тәлэ мус олыс.

Ань ты колтагылныл минам яныг рүт савсыр павлытт Өлэгыт – Саранпавылт, Кульпаст, Хәльу́ст, Тэк павылт. Тән халанылт вайхатэгыт, пёс рүтаныл ат ёрувляяныл. Пустәгыл вос Өлэгыт, пүс кәт, пүс ләгыл.

Зоя Абрамовна Новьюхова
тётум потре мәнщи ләтңыл
Валентина ВАСИЛЬЕВА
хансытэ.



Сүкырья павыл